



Brand und vielleicht sogar Totschlag geschädigt, stellt er sich als Bürgen dafür, daß Graf Ruprecht und die Seinen deshalb vor dem Herzoge von Sachsen ohne Schaden verbleibe.

14.

1443, 13. September.

Herre Rouprecht, graefe zcu Virnenburg. Jch Jorge von Bebenburg, obirmarschalck myns gnedigen herrn von Sachsen etc. han gesehen, als ir deme edelen graefen Ernste von Glichen, herrn zcu Blanckenhayn, heubtman myns gnedigen hern herzcogen Wilhelms von Sachsen in stat der erben dez lantz von Lutzenburg etc., hern Apiln Vitzthumb, rittere, hovemeister und hern Eckarius Schotten, rittere, rete des obgenanten myns gnedigen herrn etc. und myr mit yn geschrieben habent in eyne uwerm brieffe, dez datum inhelt uff donrstag dez funfften dagis septembris, und berurent in eyne artikel, daz ir anders neyt enwissent, dan ir myns brudir helffir syt widder die richstete und habent ym und siner parthien uff sy helfen schedigen mit raube, brande ouch villichte doitslage etc., doch als ir darumb, daz sich in veden und mit eren ergangen hette, von yemant zcu deme rechten vurgefordert wurde, enis in desen landen lentlich, gewonlich noch mogelich anzustellen, wie derselbe artikel dan inhelt. Ich wil uch gut davur sin, daz ir und die uvern vur unse gnedige hern von Sachsen an stat der erben und den yren vur uns vieren obgenanten und den unsern dez on alle zcusprache und forderunge zcu deme rechten sin und bliefen sullent von alle den schaiden, den steten in obgenanter massen gescheen und gedan mach sin. Urkunde myns siegels heruff gedrucket, uff dez heiligen crutzs abent axaltacionis^{a)} anno etc. XLIII.

Graf Ruprecht von Virnenburg bittet die sächsischen Gesandten, ihm genauer, als es bisher geschehen, die Gründe auseinanderzusetzen, um deren willen ihm Fehde angesagt worden, da er, wenn dies geschehe, wohl vor Gericht sich verantworten wolle.

15.

1443, 16. September.

Ernst, graefe von Glichen, herre zcu Blanckenhayn, Apil Vitzhumb, ritter, Jorge [von Bebenburg und Eckarius Schotte ritter, wie ir uch fortir nennet den hern von Sachsen bewant zcu sin von ampten und bevelen. Myr Rouprechten, graefen zcu Virnenburg etc., statheldir dez durchluchtigen, hoichgeborn, groszmechtigen fursten hern myns gnedigsten liebsten hern dez herzcogen von Bourgundien, von Brabant, von Lymburg etc., vurmonder mynre gnediger lieber frauwen der herzco.

^{a)} exultacionis, D.